



Broj: 11-40-2-1085/2020-15  
Konjic, 23.03.2020. godine

### Saopćenje za javnost Štaba civilne zaštite Općine Konjic

Štab civilne zaštite Općine Konjic obavještava javnost da je od posljedica zaraze koronavirusom smrtno stradala prva osoba iz Konjica. Ovim putem izražavamo saučešće porodici stradalog i tražimo od građana općine Konjic da se strogo pridržavaju svih mjera prevencije koje se izdaju od strane Štaba civilne zaštite Konjic, kriznih štabova i epidemiološke službe kako bismo spriječili dalje širenje i izbjegli nove tragične slučajeve.

Informišemo javnost da Štab civilne zaštite Općine Konjic ima redovnu komunikaciju sa Federalnim štabom civilne zaštite i Štabom civilne zaštite HNK-a te da aktivno pratimo situaciju na terenu i poduzimamo neophodne mjere. U tom kontekstu, želimo istaći da u saradnji s Općom bolnicom Konjic trenutno radimo na osposobljavanju prostorija motela „Konjic“ i stavljanje istog u funkciju u slučaju potrebe za upućivanjem većeg broja pacijenata pod bolnički nadzor. Trenutno se prema naredbi Štaba civilne zaštite HNK-a pacijenti s težim simptomima upućuju za Mostar. Također, na raspolagnju imamo dovoljno testera kao i potrebne bolničke opreme da možemo odgovoriti na aktuelno stanje.

Građanima šaljemo poruku da nema mjesta panici ali ima mjesta zabrinutosti. Odgovorno ponašanje građana u smislu prevencije najveća nam je pomoć kako bi sve mjere Štaba i medicinskog osoblja bile provodive i kako bismo u što kraćem vremenu stavili pod kontrolu dalje prenošenje zaraze. Suzdržite se od širenja dezinformacija i pratite službene objave Štaba civilne zaštite Općine Konjic na web stranici Općine i Facebook stranici Službe za civilnu zaštitu i vatrogastvo Općine Konjic.

Štab civilne zaštite Općine Konjic radi u punom kapacitetu i u skladu sa situacijom na terenu obavještavat će javnost blagovremno.

#### **Dostavljeno:**

- 1 x Radio Konjic
- 1 x Web stranica Općine Konjic
- 1 x Služba za civilnu zaštitu i vatrogastvo
- 1 x A/a

